



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-05-14-22801-194/21  
Sarajevo, 31.08.2021. godine

**SKUPŠTINA KANTONA SARAJEVO**  
**SLUŽBA ZA SKUPŠTINSKE POSLOVE**  
**- o v d j e -**

**PREDMET:** Odgovor na zastupničko pitanje, dostavlja se

Zastupnica u Skupštini Kantona Sarajevo Vildana Bešlija na 37. Radnoj sjednici Skupštine Kantona Sarajevo održanoj dana 31.05.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, uputila je sljedeću zastupničku inicijativu: „Upućujem inicijativu za usvajanje Programa raspodjele finansijskih sredstava za 2021. godinu za razvoj i podsticaj industrijske proizvodnje i sufinansiranje industrijskih zona u općinama Kantona Sarajevo

**O B R A Z L O Ž E N J E**

Ovu inicijativu sam podnijela još 19.11.2019. godine. S obzirom da nisam dobila odgovor, istu ponavljam.

Ovakav vid podsticaja za privrednike Kantona Sarajevo bio bi namijenjen privrednicima koji žele širiti proizvodne kapacitete, a izvoznici su ili u kooperaciji sa drugim firmama izvoze proizvode. Na ovaj način stimulisali bi širenje kapaciteta novim proizvodnim pogonima firme koje su perspektivne i koje svojim načinom poslovanja (izvoz) direktno doprinose upumpavanju stranog kapitala.

Podsticaj bi se odnosio na pokrivanje troškova infrastrukturnog uređenja i rješavanja imovinsko - pravnih odnosa u industrijskim zonama KS i to nakon ispunjavanja svih propisanih uslova i kriterija.

Općine KS bile bi zadužene za sprovođenje ovog procesa na osnovu potpisanih sporazuma sa kantonom i u skladu sa Zakonom o javnim nabavkama, provedu postupak dodjele ugovora.

Također, općine bi bile zadužene za dostavljanje izvještaja sa finansijskog i tehničkog aspekta i kompletnom propratnom dokumentacijom.

Slična podsticajna mjera je realizovana u 2017. godini, te je ovaj put ponovo inicirana od strane privrednika.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



Predlažem da ovaj Program obuhvati aktivnosti za naredne četiri godine, uz napomenu da bi se sredstva isplaćivala tek nakon završetka investicije. U suštini opštine ta sredstva naplate investitorima. Kanton ih nakon završetka gradnje vrati, a firme ostaju raditi u općini i kantonu!

Također, smatram da je ovo dobra mjera za nova zapošljavanja u realnom sektoru, koji trenutno stagnira u investiranju.”

### **Odgovor na zastupničko pitanje:**

Budžetom Ministarstva privrede Kantona Sarajevo svake godine planiraju se sredstva za sufinansiranje projekata iz oblasti privrednih i poslovno - industrijskih zona. U skladu sa navedenim Odlukom, broj: 02-04-22595-18/21 od 27.05.2021. godine, Vlada Kantona Sarajevo je usvojila “Program raspodjele finansijskih sredstava za infrastrukturno uređenje i rješavanje imovinsko - pravnih odnosa u poslovnim zonama Kantona Sarajevo za 2021. godinu”, broj: 02-04-22595-18.1/21 od 27.05.2021. godine. Ovaj Program uključuje iznos od 2.700.000,00 KM za sufinansiranje projekata općina sa područja Kantona Sarajevo, kojima se sufinansiraju projekti infrastukturnog uređenja i rješavanja imovinsko - pravnih odnosa u poslovnim zonama Kantona Sarajevo. Pošto su u Budžetu Kantona Sarajevo za 2021. godinu planirana finansijska sredstva u iznosu od 6.000.000,00 KM za sufinansiranje projekata iz oblasti privrednih i poslovno industrijskih zona, ovo znači da je za ovu namjenu preostalo ovih planiranih sredstava u iznosu od 3.300.000,00 KM. Shodno navedenom, Ministarstvo privrede Kantona Sarajevo je u cilju eventualne raspodjele preostalih 3.300.000,00 KM, pripremlilo zahtjeve općinama sa područja Kantona Sarajevo da predlože dodatne projekte za sufinansiranje infrastrukturnog uređenja i rješavanja imovinsko - pravnih odnosa u poslovnim zonama sa područja općina Kantona Sarajevo, kako bi isti bili razmotreni i eventualno uvršteni u projekte koji će se finansirati iz Budžeta Kantona Sarajevo za 2021. godinu u okviru izmjena i dopuna predmetnog “Programa raspodjele finansijskih sredstava za infrastrukturno uređenje i rješavanje imovinsko - pravnih odnosa u poslovnim zonama Kantona Sarajevo za 2021. godinu”.

Dalje, dana 09.06.2021. godine, Vlada Kantona Sarajevo usvojila je Godišnji plan provođenja programa razvoja male privrede za 2021. godinu. Predmetnim Godišnjim planom je utvrđeno pravo na dodjelu poticajnih sredstava u skladu sa pojedinim programima iz ovog Godišnjeg plana za sve subjekte male privrede definisane u članu 5. Zakona o poticaju razvoja male privrede (“Službene novine Kantona Sarajevo”, broj: 29/15), a koji u skladu sa obavještenjem Službe za statistiku o razvrstavanju prema klasifikaciji djelatnosti imaju registrovanu djelatnost unutar dozvoljenih sljedećih područja prema Klasifikaciji djelatnosti KDBiH 2010 (“Službeni glasnik BiH”, broj 47/10): u području G Trgovina (popravak motornih vozila i motocikala) prema obavještenju Statistike dozvoljena šifra djelatnosti je 45.20, te subjekti koji prema obavještenju Statistike obavljaju djelatnosti u ovom području, a čije su šifre djelatnosti: 46.31, 46.32, 46.33, 46.34, 46.46, 46.47, 46.51, 46.52, 46.65, 46.73 i 46.74 uz uslov da su ovi subjekti u 2020. godini ostvarili **više od 50% prihoda na stranim tržištima**; u području M Stručne, naučne i tehničke djelatnosti prema obavještenju Statistike dozvoljene šifre djelatnosti su: (69.10-69.20) i 75.00; te subjekti koji prema obavještenju Statistike obavljaju djelatnost u ovom području, a čije su šifre djelatnosti: (73.11, 73.20 i 74.10), uz uslov da su ovi subjekti u 2020. godini ostvarili **više od 50% prihoda na stranim tržištima**, u području N Administrativne i pomoćne uslužne djelatnosti prema obavještenju Statistike dozvoljene šifre djelatnosti su: (79.11-79.90); te subjekti koji prema



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



obavještenju Statistike obavljaju djelatnost u ovom području, a čija je šifra djelatnosti: 82.20 uz uslov da su ovi subjekti u 2020. godini ostvarili **više od 50% prihoda na stranim tržištima**.

Također, u tački 4.2.8. Godišnjeg plana: "**Poticaj za unaprjeđenje preduzetništva u domenu pružanja administrativnih usluga dominantno izvozne orijentacije**" navedeno je da pravo na dodjelu poticajnih grant sredstava za subvencioniranje troškova po ovom programu ostvaruju subjekti male privrede u skladu sa Zakonom o poticaju razvoja male privrede, koji obavljaju djelatnost iz domena izvožno orijentisanih usluga i imaju sjedište na teritoriji Kantona Sarajevo, a koji ispunjavaju sljedeće uslove: obavljaju djelatnost u oblastima M i N navedenim u tački 3. a) opći uslovi za dodjelu poticajnih sredstava iz ovog Godišnjeg plana, osim djelatnosti čije su šifre: (69.10-69.20), 75.00 i (79.11-79.90), uz uslov da su ovi subjekti u 2020. godini ostvarili **više od 50% prihoda na stranim tržištima**, da imaju najmanje 10 uposlenih i da će nakon dana objave javnog poziva po ovom programu u 2021. godini realizovati/okončati interni program/projekt obuke i osposobljavanja za obavljanje poslova u registrovanoj djelatnosti. Programom/projektom se omogućava poboljšanje kvaliteta znanja i vještina potencijalnih novih zaposlenika sa krajnjim ciljem da se u izvožno orijentisanim kompanijama koje provedu program obuke izvrši zapošljavanje određenog broja mladih ili drugih nezaposlenih osoba koje su u skladu sa zahtjevima subjekata ispunili preduuslove za pohađanje i uspješno završili predmetne obuke. Pravo ostvaruju subjekti koji realizacijom dostavljenog programa/projekta imaju obavezu uposliti nove radnike na period od minimalno godinu dana. Radno mjesto se vrednuje sa iznosom poticaja do 7.000.00 KM po jednom uposlenom radniku.

S poštovanjem,



Dostaviti:

1. Naslovu
2. Vladi Kantona Sarajevo
3. Evidencija
4. a/a



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

